

Ўзбекистон Республикаси
Адлия вазирлиги томонидан
**“ҚАЙТА ДАВЛАТ
РҮЙХАТИДАН ЎТКАЗИЛДИ”**
2020 йил “18” ғенга 16
№ 4х877



2020 йил 11 ноябрда
Ўзбекистон касаба уюшмалари
Федерациясининг VIII Курултойида

“ТАСДИҚЛАНГАН”

**ЎЗБЕКИСТОН КАСАБА УЮШМАЛАРИ ФЕДЕРАЦИЯСИ УСТАВИ
(ЯНГИ ТАҲРИР)**

Тошкент – 2020

I. УМУМИЙ ҚОИДАЛАР

1.1. Ўзбекистон касаба уюшмалари Федерацииси (кейинги ўринларда «Федерация» деб юритилади) – касаба уюшмалари томонидан ихтиёрийлик асосида тузилган бирлашмадир.

1.2. Федерация даромад (фойда) олишни ўз фаолиятининг асосий мақсади қилиб олмаган ҳамда олинган даромадларни (фойдани) ўз аъзолари ўртасида тақсимламайдиган уюшма ташкилий-хукуқий шаклидаги Бирлашма хисобланади.

1.3. Федерация ўз фаолиятини Ўзбекистон Республикаси ҳудудида Ўзбекистон Республикасининг Конституцияси, Ўзбекистон Республикасининг “Касаба уюшмалари тўғрисида”ги Қонуни ва бошқа норматив-хукуқий хужжатлар ҳамда Ўзбекистон Республикаси томонидан ратификация қилинган ҳалқаро шартномалар, шунингдек, Федерация таъсис шартномаси ва ушбу Устав асосида амалга оширади.

1.4. Федерация ўз тузилмаси, фаолиятининг мақсад, шакл ва услубларини белгилашда эркиндир, мустақил равишда ўз органларини шакллантиради ва штатдаги ходимлар аппаратини тузади.

1.5. Федерация ўзининг мақсад ва вазифаларига мувофиқ бошқа мамлакатларнинг касаба уюшмалари билан ҳамкорлик қиласи, ҳалқаро ва бошқа касаба уюшмалари бирлашмаларига, ташкилотларига аъзо бўлиб кириши ва аъзоликдан чиқиши мумкин.

1.6. Федерация ўз фаолиятида давлат органлари, иш берувчилар, уларнинг бирлашмалари, нодавлат нотижорат ташкилотлари ва фуқаролик жамиятининг бошқа институтлари, шунингдек, фуқаролар билан ўзаро ҳамкорлик қиласи.

1.7. Федерация ўз фаолиятида, шу жумладан, молиявий фаолиятида давлат ҳокимияти ва бошқаруви органларидан мустақиллар, улар олдида ҳисобдор эмас ҳамда улар томонидан назорат қилинмайди, бундан қонунда назарда тутилган ҳоллар мустасно.

1.8. Федерациянинг номланиши:

ўзбек тилида: тўлиқ – Ўзбекистон касаба уюшмалари Федерацииси; қисқартмаси – ЎКУФ;

рус тилида: тўлиқ – Федерация профсоюзов Узбекистана; қисқартмаси – ФПУ;

инглиз тилида: тўлиқ – Federation of Trade Unions of Uzbekistan; қисқартмаси – FTUU.

1.9. Федерациянинг доимий фаолият юритувчи раҳбар организацининг жойлашган ери (почта манзили): 100029. Ўзбекистон Республикаси, Тошкент шаҳри, Бухоро кўчаси, 24-уй.



2. ФЕДЕРАЦИЯНИНГ МАҚСАД ВА ВАЗИФАЛАРИ

2.1. Федерация аъзо ташкилотларнинг устав вазифаларини бажаришдаги саъй-ҳаракатларини мувофиқлаштириш, шунингдек, аъзо ташкилотларнинг умумий манбаатларини ифода этиш ва ҳимоя қилиш, амалдаги қонунчилик доирасида уларнинг ҳуқуқий кафолатларини таъминлаш мақсадида тузилган.

2.2. Федерация ўз мақсад ва вазифаларига эришиш учун қўйидагиларни амалга оширади:

- Ўзбекистон касаба уюшмалари ҳаракатининг стратегия ва тактикасини ишлаб чиқади, аъзо ташкилотлар фаолиятининг самарадорлигини оширишга кўмаклашади;

- уч томонлама ижтимоий мулоқот ва меҳнат соҳасида ижтимоий шерикликни амалга оширишга ва ривожлантиришга кўмаклашади;

- Федерация, иш берувчиларнинг Республика бирлашмалари ва Ўзбекистон Республикаси Хукумати ўртасида тузиладиган Бош келишувни, шунингдек, Федерацияга аъзо ташкилотларнинг манбаатларига жавоб берадиган бошқа келишувларни ишлаб чиқиш ва тузиш ташаббуси билан чиқади, уларнинг бажарилиши устидан назоратни амалга оширишда иштирок этади;

- ходимларнинг ижтимоий-иқтисодий ҳуқуқ ва манбаатларига тааллуқли бўлган норматив-ҳуқуқий ҳужжатлар ҳамда техник жиҳатдан тартибга солиш соҳасидаги норматив ҳужжатлар лойиҳаларини ишлаб чиқишида иштирок этади;

- меҳнатга, ижтимоий-иқтисодий масалаларга ва меҳнатни муҳофаза қилишга оид норматив-ҳуқуқий ҳужжатларга ҳамда техник жиҳатдан тартибга солиш соҳасидаги норматив ҳужжатларга риоя этилиши устидан қонунда белгиланган тартибда жамоатчилик назоратини амалга оширади;

- ижтимоий шериклик тамойиллари асосида ходимларнинг муносиб турмуши ва ижтимоий ҳимоясини таъминлайдиган шароитлар яратиш, гуманитар масалаларни ҳал этиш, аҳоли қатламларининг ҳуқуқ ва эркинликлари, манбаатларини ҳимоя қилишга йўналтирилган ижтимоий-иқтисодий ривожланиш дастурларини ишлаб чиқиш ва амалга оширишда иштирок этади;

- касаба уюшмалари аъзолари, шунингдек, уларнинг оила аъзоларини соғломлаштириш ишларини ташкил этади;

- маданият, туризм, оммавий жисмоний тарбия ва спорт муассасаларини, санаторий ва курортларда даволаш, болаларни соғломлаштириш ва дам олдиришни ривожлантириш масалаларида давлат ҳокимияти ва бошқаруви органлари, иш берувчилар ва фуқародик жамияти институтлари билан биргаликда ҳаракат қиласи;



- нашриётчилик фаолиятини олиб боради, ўз фаолияти тўғрисида оммавий ахборот воситалари орқали жамоатчиликни хабардор қилади, касаба уюшмаларининг ахборот хизматини ривожлантиради;

- Федерация тизимида маданият, дам олиш, туризм, спорт ва бошқа обьектларнинг курилишида буюртмачи бўлади ёки буюртмачи қилиб бошқа субъектни тайинлайди.

Федерация қонунчиликда белгиланган бошқа ҳуқуқларни ҳам амалга оширади.

2.3. Федерация касаба уюшмалари ташкилотларининг қўйидагиларга қаратилган саъй-ҳаракатларини бирлаштиради ва қўллаб-куватлайди:

- миллати, ирқи, жинси, ёши ва диний эътиқодидан қатъи назар, касаба уюшмаси аъзосининг меҳнат қилиш, эркин иш ва касб танлаш, адолатли меҳнат шароитига ва ишсизликдан ҳимояланишга бўлган конституциявий ҳуқуқларига риоя этилишига;

- максимал даражада бандликнинг таъминланиши, даромадларнинг оширилиши ва мулкий табақаланиш даражасининг камайтирилишига;

- меҳнатга ҳақ тўлаш ва меҳнат режимининг ижтимоий адолатли тизими жорий этилишига;

- ишлаб чиқаришни ривожлантириш даражасига мувофиқ ишловчиларнинг малакаси оширилиши ва касбий қайта тайёрланишига;

- меҳнатга оид муносабатларни тартибга солиш, меҳнатни ва атроф-муҳитни муҳофаза қилиш бўйича норматив-ҳуқуқий ҳужжатларга риоя этилишига;

- давлат органлари, нодавлат нотижорат ташкилотлари ва фуқаролик жамиятининг бошқа институтлари билан меҳнаткашларнинг меҳнат, ижтимоий, иқтисодий ва маданий ҳуқуқ ва манфаатларига доир норматив-ҳуқуқий ҳужжатларни ишлаб чиқиш, шунингдек, ҳалқ фаровонлиги, ижтимоий барқарорлик ва юрт осойишталигини сақлаш борасида ўзаро ҳамкорлик олиб борилишига;

- меҳнат соҳасида ижтимоий шериклик йўлга қўйилиши, жамоа музокараларининг ташкил этилиши, жамоа шартномалари ва келишувлари тузилиши, уларнинг бажарилиши устидан назоратнинг амалга оширилишига;

- ходимлар ва уларнинг оила аъзоларини соғломлаштириш, маънавий салоҳиятини юксалтиришга, оммавий спортни тарғиб этишга қаратилган маданий-маърифий ва спорт тадбирларини ташкил этилишига, шунингдек маданият, жисмоний тарбия ва спорт иншоотлари, санаториилар, профилактика марказлари, дам олиш уйлари, болалар соғломлаштириш оромгоҳларининг моддий-техника базаси мустаҳкамланишига кўмаклашишга.



2.4. Давлат Федерация фаолиятини субсидиялар, грантлар, ижтимоий буюртма ва қонун хужжатларига мувофиқ бошқа тарзда ҳам қўллаб-куватлаши мумкин.

3. ФЕДЕРАЦИЯГА АЪЗО ТАШКИЛОТЛАР, УЛАРНИНГ ҲУҚУҚЛАРИ ВА МАЖБУРИЯТЛАРИ

3.1. Федерациянинг таъсисчилари, яъни таъсис шартномасини имзолаган тармоқ касаба уюшмалари Федерациянинг аъзо ташкилотларидир.

3.2. Федерацияга янги аъзо ташкилотларни қабул қилиш ҳақидаги қарор Федерация Ижроия қўмитаси номига ёзилган ариза асосида қабул қилинади.

Аризага аъзоликка кирмоқчи бўлган ташкилотнинг коллегиал органи қарори, Устав ва давлат рўйхатидан ўтказилгани ҳақидаги гувоҳнома нусхаси, аъзолар сони ҳақидаги маълумот илова қилинади.

3.3. Федерацияга қабул қилиш рад этилганда бу масала юзасидан аъзоликка киравчи ташкилот Федерация Бош кенгашининг навбатдаги мажлисига мурожаат қилиши мумкин.

3.4. Аъзо ташкилотларнинг Уставлари Федерациянинг таъсис ҳужжатларига зид бўлмаслиги керак.

3.5. Куйидаги ҳолларда Федерацияга аъзолик тўхтатилади:

- аъзо ташкилот тугатилганда;
- аъзо ташкилот Федерация таркибидан чиққанда;
- аъзо ташкилот Федерация таркибидан чиқарилганда.

3.6. Аъзо ташкилотнинг Федерация таркибидан чиқиши тўғрисидаги қарори фақат унинг Курултойида қабул қилиниши мумкин.

Бу ҳақда Федерация аъзо ташкилот томонидан камида уч ой олдин ёзма равишда хабардор қилиниши керак.

3.7. Федерациядан чиқиши ҳақидаги қарор уч ой муддатда Федерация Ижроия қўмитаси томонидан кўриб чиқилади ва қабул қилинган қарор нусхаси 3 (уч) иш куни давомида ариза берувчига юборилади. Бунга қадар аъзо ташкилот Федерациянинг таъсис ҳужжатлари талабларини бажаришга мажбур.

3.8. Федерациянинг таъсис ҳужжатлари талаблари ва Федерация коллегиал органлари қарорларини бажармаётган, Федерацияга аъзолик бадалини тўламаётган (аъзолик бадалини тўлаш ўрнатилган тақдирда) аъзо ташкилот Федерация Ижроия қўмитасининг қарорига биноан Федерация аъзолигидан чиқарилиши мумкин.

3.9. Аъзо ташкилотларнинг ҳуқуқлари қуйидагилардан иборат:

- Федерациянинг таъсис ҳужжатларига ва дастурий ҳужжатлари принципларига зид келмайдиган дастурий ва бошқа ҳужжатларни қабул қилиш;



- ўз вакилларини Федерациянинг Баш кенгаси таркибига сайлаш, уларни чақириб олиш ва янгиларини сайлаш;
- Федерация органларига касаба уюшмалари фаолиятининг ҳар қандай масалалари бўйича мурожаат қилиш, тушунтириш ва ахборот олиш;
- фаолиятига доир хужжатлар лойиҳаларини Федерация органларига кўриб чиқиш учун киритиш;
- ўз вакиллари орқали Федерациянинг коллегиал органлари ишида иштирок этиш;
- ходимларнинг ижтимоий-меҳнат ҳукуқлари ва манфаатларига доир норматив-ҳукуқий хужжатлар ҳамда техник жиҳатдан тартибга солиш соҳасидаги норматив хужжатлар лойиҳаларига Федерациянинг таклифларини ишлаб чиқиша иштирок этиш;
- Федерация, иш берувчиларнинг Республика бирлашмалари ва Ўзбекистон Республикаси Хукумати ўртасидаги Баш келишув лойиҳасига ўз таклифларини киритиш ва Федерациянинг ушбу йўналишдаги фаолиятида қатнашиш;
- Федерациянинг турли хил дастурларини ишлаб чиқиш ва жамғармаларини тузишда иштирок этиш;
- Федерация мулкидан фойдаланиш ва уни бошқаришда иштирок этиш;
- касаба уюшмалари кадрлари ва фаолларини ўқитиш, ўз фаолияти учун зарур ахборот олиш ва тарқатиша Федерация имкониятларидан фойдаланиш, ўз вакилларини Федерация томонидан ўтказиладиган тадбирлар, ўкув семинарларига йўллаш;
- касаба уюшмаси ходимларини ва фаолларини Федерация нишонлари ва Фахрий ёрлиги билан тақдирлаш тўғрисида белгиланган тартибда таклифлар, шунингдек, уларни Давлат мукофотлари ва фахрий унвонларга тавсия этиш бўйича Федерация томонидан қўллаб-қувватлашни сўраб тақдимномалар киритиш.

3.10. Аъзо ташкилотларнинг мажбуриятлари қўидагилардан иборат:

- Федерациянинг таъсис хужжатлари талабларини бажариш;
- Федерация фаолиятини қўллаб-қувватлаш, унинг мақсад ва вазифаларини амалга оширишда фаол иштирок этиш;
- Федерация органларининг мазкур Уставга мувофиқ қабул қилган қарорларини бажариш;
- Федерация, иш берувчиларнинг Республика бирлашмалари Ўзбекистон Республикаси Хукумати ўртасида тузиладаган Баш келишувнинг бажарилишига кўмаклашиш;
- Федерация ва унга кирган аъзо ташкилотлар камситадиган хатти-ҳаракатларга йўл қўймаслик;



- ўз уставлари ва раҳбар кадрлари таркибидаги ўзгаришлар, қабул қилинаётган қарорлар ва амалга оширилаётган ҳаракатлар ҳақида Федерацияни хабардор қилиб бориш;

- Федерация таъсис этган оммавий ахборот воситалари, унинг тасарруфидаги бошқа ташкилотлар фаолиятига кўмаклашиш;

- ўзлари бирлаштирган касаба уюшмалари аъзолари сони ҳақида маълумот, аъзолик бадалларини ҳисоблаш ва тўлаш билан боғлиқ молиявий ҳисбот, бошқа статистик маълумотларни норматив ҳужжатларда белгиланган шакл ва тартибда Федерацияга тақдим этиш.

3.11. Федерация органлари қарорларининг аъзо ташкилотлар томонидан бажарилмаслиги Федерация коллегиал органлари мажлисларида кўриб чиқилади, натижалари ва кўрилган чоралар ҳақидаги ахборот аъзо ташкилотларга юборилади.

4. ФЕДЕРАЦИЯ ФАОЛИЯТИНИНГ АСОСИЙ ПРИНЦИПЛАРИ ВА ТАШКИЛИЙ ТУЗИЛИШИ

4.1. Федерация ўз фаолиятини қонунийлик, ихтиёрийлик, камситишга йўл қўймаслик, мустақиллик ва ўзини ўзи бошқариш, тенг ҳуқуқлилик, ошкоралик ва очиқлик, адолат, коллегиаллик, бирлик, бирдамлик, куйидан юқоригача барча даражадаги касаба уюшмалари органларининг сайлаб қўйилиши, қарорлар қабул қилиш чоғида мунозара эркинлиги, озчилик фикрини ҳисобга олган ҳолда қабул қилинган Федерация органлари қарорларининг аъзо ташкилотлар томонидан бажарилиши мажбурийлиги принципларига асосан амалга оширади.

4.2. Федерациянинг тузилмаси қўйидагилардан иборат:

- Аъзо ташкилотлар;
- Федерациянинг Қорақалпоғистон, вилоятлар ва Тошкент шаҳар Кенгашлари (кейинги ўринларда “худудий Кенгаш” деб юритилади);
- Федерациянинг штатдаги ходимлардан иборат аппарати.

4.3. Федерациянинг раҳбар органлари:

- Федерация Курултойи – Федерациянинг олий раҳбар органи;
- Федерациянинг Бош кенгashi (кейинги ўринларда “Бош кенгаш” деб юритилади) – Курултойлар оралиғида Федерациянинг доимий ҳаракатдаги коллегиал раҳбар органи;
- Федерациянинг Ижроия қўмитаси (кейинги ўринларда “Ижроия қўмита” деб юритилади) – Федерация фаолиятига жорий раҳбарликни амалга оширувчи коллегиал ижроия органи;
- Федерация раиси – фаолиятини яккабошчилик амалга оширувчи ижро органи.



Назорат-тафтиш комиссияси – Федерациянинг коллегиал назорат органидир.

4.4. Федерация Қурултойи.

4.4.1. Федерация Қурултойи беш йилда камида бир марта ўтказилади. Қурултой Бosh кенгаш қарори билан чақирилади. Уни чақириш, вакиллик нормаси ҳамда кун тартиби тўғрисида Қурултой очилишидан камида икки ой олдин эълон қилинади.

4.4.2. Навбатдан ташқари Қурултой Бosh кенгаш ташаббуси билан ёки аъзо ташкилотларнинг камида учдан икки қисмининг талабига биноан чақирилади. Бosh кенгашнинг навбатдан ташқари Қурултойни чақириш, вакиллик нормаси, кун тартиби тўғрисидаги қарори унинг очилишидан камида 15 (ўн беш) кун олдин эълон қилинади.

4.4.3. Қурултой ҳужжатлари – қарорлар, резолюциялар, мурожаатномалар, баёнотлар, декларациялар шаклида қабул қилинади.

4.5. Қурултой ваколатлари:

4.5.1. Қурултой қуйидаги ваколатларга эга:

- Федерацияни қайта ташкил этиш, тугатиш ва фаолиятини тўхтатиш;
- Устав ва дастурий ҳужжатларни қабул қилиш, шунингдек, уларга ўзгартиш ва қўшимчалар киритиш;
- Федерация Бosh кенгashi ва унинг Назорат-тафтиш комиссияси фаолияти ҳақидаги ҳисоботларни эшлишиш ва уни тасдиқлаш;
- Федерация раисини, Бosh кенгаш аъзоларини сайлаш, белгиланган квотага мувофиқ аъзо ташкилотлар ва худудий Кенгашлардан тўғридан-тўғри вакил йўллаш принципига биноан сайланган Бosh кенгаш аъзолари ваколатларини тасдиқлаш;
- Федерациянинг Назорат-тафтиш комиссияси таркибини сайлаш, унинг низомини тасдиқлаш;
- Федерациянинг Назорат-тафтиш комиссияси раисини сайлаш;
- касаба уюшмалари ҳаракатининг стратегиясини белгилаш ва бошқа муҳим масалалар бўйича қарорлар, баёнотлар, мурожаатномалар қабул қилиш;
- Федерация мол-мулкига эгалик қилиш ва уни тўлиқ тасаррuf этиш. Қурултой оралиғида мол-мулқдан фойдаланиш, унга эгалик қилиш ва тасаррuf этиш бўйича қарорлар Бosh кенгаш, унинг мажлислари оралиғида эса Ижроия қўмита томонидан қабул қилиниши мумкин.

Ушбу банднинг 1-, 2- (Устав ва дастурий ҳужжатларга ўзгартиш ва қўшимчалар киритишдан ташқари), 3-, ва 6- дефисларида қайдтэтилган масалалар Қурултойнинг мутлақ ваколатига киради.



4.5.2. Курултой қонун хужжатларига зид бўлмаган бошқа ваколатларга ҳам эга бўлиши мумкин.

4.5.3. Курултой ўзининг мутлақ ваколатларига кирмайдиган масалалар юзасидан ваколатларни Бош кенгашга, Ижроия қўмитага, Федерация раисига бериши мумкин.

4.6. Федерациянинг Бош кенгashi.

4.6.1. Бош кенгаш аъзо ташкилотлар ва ҳудудий Кенгашлардан тенг миқдорда – иккитадан вакилни тўғридан-тўғри йўллаш принципи бўйича шакллантирилади.

4.6.2. Вакилларни Бош кенгаш таркибига сайлаш, уларни чақириб олиш ва янгиларини сайлаш Федерацияга аъзо ташкилотларнинг Курултойлари, ҳудудий Кенгашлар конференциялари ёки раҳбар органлари мажлисларида амалга оширилади.

4.6.3. Бош кенгаш таркибига Курултойда сайланган аъзолар, шунингдек, лавозимига кўра Федерация раиси ва унинг ўринbosарлари киради.

4.6.4. Бош кенгаш мажлиси заруратга қўра, аммо бир йилда камида бир марта чақирилади.

4.6.5. Бош кенгашнинг ваколат муддати – беш йил.

4.6.6. Бош кенгашнинг ваколатлари қуйидагилардан иборат:

- Уставда белгиланган вазифаларни ва Федерация Курултойининг қарорларини бажариш бўйича фаолиятни амалга ошириш;

- Федерация мулкига эгалик қилиш, фойдаланиш, тасарруф этиш масалалари юзасидан қарорлар қабул қилиш (Бош кенгаш мажлислари оралиғида мазкур ваколат Ижроия қўмита томонидан амалга оширилади);

- лозим бўлганда Федерацияга аъзо ташкилотлар томонидан ўтказиладиган аъзолик бадали миқдори, тўлов тартиби ва муддатини белгилаш;

- Курултой чақириш тўғрисида қарор қабул қилиш;

- Бош кенгаш аъзолари ва аъзо ташкилотлар раҳбарларининг Федерация органлари қарорларининг бажарилиши тўғрисидаги ҳисботларини тинглаш;

- аъзо ташкилот томонидан Федерация таъсис хужжатлари, унинг раҳбар органлари қарорлари бажарилмаган, аъзолик бадаллари ўз вақтида ва тўлиқ тўланмаган ҳолларда ушбу ташкилотга хизмат кўрсатишни тўхтатиш ва унинг вакилларини Федерациянинг коллегиал органлари мажлисларида овоз бериш хуқуқидан маҳрум қилиш тўғрисида қарор қабул қилиш, аъзо ташкилотнинг тегишли сайлаб қўйиладиган органларига мазкур холат юзасидан тегишли чоралар кўриш юзасидан мурожаат қилиш;



- Федерация тизимида ягона молиявий сиёсатни белгилаш ва мувофиқлаштириб бориш;
- аъзо ташкилотларнинг таклифлари асосида касаба уюшмалари картасини тасдиқлаш;
- Курултой оралиғида заруратга кўра ушбу Уставга ўзгартириш ва қўшимчалар киритиш;
- Ижроия қўмитанинг сон таркибини белгилаш ва унинг аъзоларини Бош кенгаш ваколати муддатига сайлаш;
- Курултойлар оралиғида Бош кенгаш аъзоларини таркибдан чиқариш, сайлаш ва Бош кенгаш таркибига янги вакил этиб сайланган аъзоларнинг ваколатларини тасдиқлаш;
- Федерациянинг халқаро фаолияти стратегиясини белгилаш, унинг бошқа, жумладан, халқаро касаба уюшмалари бирлашмаларига аъзо бўлиши ва улардан чиқиши тўғрисида қарорлар қабул қилиш, Федерация ва аъзо ташкилотларнинг халқаро фаолияти принципларини белгилаш ва мувофиқлаштириб бориш;
- Федерацияга янги аъзо ташкилотларни қабул қилиш ёки уни аризасига асосан чиқариш Ижроия қўмита томонидан рад этилган ҳолларда мазкур ташкилотнинг аппеляциясини кўриб чиқиш;
- Халқаро касаба уюшмалари марказларига Федерация вакилларини йўллаш;
- Федерация раиси ўринbosарларини, шу жумладан, биринчи ўринbosарини сайлаш ва лавозимидан озод қилиш (Бош кенгаш мажлислари оралиғида Федерация раиси ўринbosарларини сайлаш масаласи кейинчалик Бош кенгаш мажлисида тасдиқлаш шарти билан Ижроия қўмита томонидан ҳал қилиниши ҳам мумкин);
- зарурат туғилганда (жумладан, раис бошқа ишга ўтгани, саломатлиги ёмонлашгани, истеъфога чиққани туфайли ўз вазифаларини бажара олмай қолганда) Курултойлар оралиғида Федерация раисини лавозимидан озод қилиш ва янги раисни сайлаш (бунга зарурат бўлмаганда эса унинг вазифасини биринчи ўринbosар бажаради);
- Худудий кенгашларни тузиш тўғрисида қарор қабул қилиш;
- Устав талабларига зид бўлмаган бошқа ваколатларни амалга ошириш.

Бош кенгаш ўз фаолиятида фақат Федерация Курултойига 5 (беш) йилда камида бир марта ҳисобот беради.

4.6.7. Ўзининг айрим ваколатларини Ижроия қўмита, шунингдек, Федерация раисига бериши мумкин.

4.6.8. Бош кенгаш мажлислари Ижроия қўмита қарорига ёки Бош кенгаш аъзолари умумий сонининг камида учдан бир қисмининг талабига кўра чақирилади.



4.6.9. Бош кенгаш хужжатлари қарор, резолюция, баёнот ва мурожаатномалар шаклида қабул қилинади.

4.6.10. Бош кенгаш мажлислирни Федерация раиси, Федерация раиси иштирок этмаган ҳолларда эса Федерация раисининг биринчи ўринбосари, у ҳам бўлмагандаги ўринбосарларидан бири олиб боради.

4.7. Ижроия қўмита.

4.7.1. Ижроия қўмита аъзолари Бош кенгаш мажлисида Бош кенгаш аъзолари орасидан сайланади.

4.7.2. Федерация раиси ва унинг ўринбосарлари лавозимига кўра Ижроия қўмита аъзоси ҳисобланади.

4.7.3. Ижроия қўмита мажлиси заруратга қараб, аммо ҳар чоракда камидаги бир марта ўтказилади.

4.7.4. Ижроия қўмитанинг ваколатлари қўйидагилардан иборат:

- иш берувчиларнинг Республика бирлашмалари ва Ўзбекистон Республикаси Ҳукумати билан ижтимоий-иктисодий сиёсат олиб боришнинг умумий принципларини белгилаб берувчи Бош келишув лойиҳасини тасдиқлаш;

- меҳнаткашларнинг ижтимоий-меҳнат ҳуқуқлари ва манфаатларига доир масалаларни қонунлар ва бошқа норматив-ҳуқуқий хужжатларда мустаҳкамлаш юзасидан таклифлар ишлаб чиқиш;

- касаба уюшмаларининг иш берувчилар томонидан ходимларнинг ижтимоий-иктисодий ҳуқуқ ва манфаатларига тааллуқли бўлган норматив-ҳуқуқий хужжатлар ҳамда техник жиҳатдан тартибга солиши соҳасидаги норматив хужжатлар, шунингдек, жамоа шартномалари ва келишувлари талабларига риоя этилиши устидан жамоатчилик назоратини иш ўринларида амалга ошириш борасидаги фаолиятини ташкил этиш ва мувофиқлаштириб бориш;

- Федерациянинг меҳнат инспекциясини тузиш ва касаба уюшмалари тизимида фаолият юритадиган меҳнат инспекцияларининг ягона Низомини тасдиқлаш;

- ижтимоий-иктисодий дастурларни ишлаб чиқиш ва амалга оширишда иштирок этиш, шунингдек, касаба уюшмалари ҳаракатига доир бошқа муҳим масалалар бўйича қарорлар, резолюциялар, баёнотлар, мурожаатномалар қабул қилиш;

- ижтимоий-меҳнат масалалари бўйича уч томонлама комиссиядаги Федерациянинг муҳтор вакиллари таркибини тасдиқлаш, комиссия билан ҳамкорлик қилиш;

- Бош кенгаш мажлисини чақириш, унинг кун тартиби ва ўтказиш жойи юзасидан таклифлар киритиш, муҳокама қилинаётган масалаларга оид



материалларни тақдим этиш, Курултой ва Баш кенгаш қарорларининг бажарилишини ташкил қилиш;

- Федерацияга янги ташкилотларни аъзоликка қабул қилиш, шунингдек, аъзоликдан чиқиши масалалари бўйича қарор қабул қилиш;

- ўз ваколатлари доирасида аъзо ташкилотларнинг фаолиятига тегишли барча йўналишлардаги ишларини мувофиқлаштириш;

- аъзо ташкилотларнинг касаба уюшмаси бошланғич ташкилотлари фаолиятини мувофиқлаштириш ва йўналтириб бориш мақсадида тегишли бўлинмаларни тузиш, уларни молиялаштириш ва штатларни белгилашга доир мурожаатлари юзасидан тегишли қарор қабул қилиш;

- касаба уюшмаларининг санатор-курорт, спорт, жисмоний тарбия ва соғломлаштириш, маданий-маърифий, кадрлар малакасини ошириш муассасалари фаолиятининг асосий йўналишларини белгилаш;

- касаба уюшмалари ахборот фаолиятининг асосий йўналишларини белгилаш;

- Баш кенгашга Федерация раиси ўринбосарлари, шу жумладан, биринчи ўринбосарини лавозимидан озод қилиш тўғрисида таклиф киритиш;

- айрим кечикириб бўлмайдиган (масалан, лавозимидан озод этиш ҳақида ариза берган, саломатлиги туфайли ўз вазифаларини бажара олмаган ва бошқа) ҳолларда Федерация раиси ўринбосарлари, шу жумладан, биринчи ўринбосарини лавозимидан озод қилиш;

- худудий Кенгашлар тўғрисида Низомларни тасдиқлаш, уларга ўзгартириш ва қўшимчалар киритиш;

- Федерация тасарруфидаги ташкилотлар таъсис этиш, уларнинг низомларини тасдиқлаш, қайта ташкил этиш, тугатиш, фаолиятларини мувофиқлаштириб бориш;

- Федерация аппарати тузилмасини тасдиқлаш;

- аъзо ташкилотлар, худудий Кенгашлар, Федерация тасарруфидаги ташкилотлар тақдимида кўра касаба уюшмалари ходимлари ва фаолларини Давлат мукофотлари билан мукофотлаш ҳақида тегишли органларга илтимоснома киритиш;

- Федерация нишони, Фахрий ёрлиғи, Фахрий унвонларини таъсис этиш, улар тўғрисидаги низомларни тасдиқлаш ва шунга муносиб деб топилган номзодларни тақдирлаш тўғрисида қарорлар қабул қилиш;

- Федерацияга аъзо ташкилотларнинг сайлаб қўйиладиган раҳбарлик лавозимларига номзодларни таклиф қилиш;

- касаба уюшмасига аъзолик билетининг ягона шаклини, шунингдек, Федерация рамзини тасдиқлаш;

- касаба уюшмалари фаолиятининг барча йўналишлари бўйича услубий тавсиялар ишлаб чиқиш;



- Федерация тасарруфидаги малака ошириш муассасаларида касаба уюшмаси кадрлари ва фаолларини ўқитиш борасидаги ишларни ташкил қилиш, мазкур муассасалар фаолиятини йўналтириш ва мувофиқлаштириб бориш;
- касаба уюшмаларининг ягона кадрлар стратегиясини белгилаш;
- Федерациянинг кўчмас мулки (бинолар ва иншоотлар) реестрини тасдиқлаш;
- Бош кенгаш мажлиси оралиғида Федерация мулкига эгалик қилиш, фойдаланиш, тасарруф этиш, шу жумладан, Федерацияга фойдаланиш учун беғараз берилган обьектлардан фойдаланиш масалалари юзасидан қарорлар қабул қилиш ва тасдиқлаш учун Бош кенгашнинг навбатдаги мажлисига киритиш;
- Федерация тизимида маданият, дам олиш, туризм, спорт ва бошқа обьектларнинг қурилиши, реконструкция қилиниши, капитал ва жорий таъмирланиши, жиҳозланиши бўйича қарор қабул қилиш;
- Федерациянинг касаба уюшмаси бюджети, даромадлар ва харажатлар сметаси, унинг бажарилиши тўғрисидаги ҳисоботларни тасдиқлаш;
- соғломлаштириш учун ягона ижтимоий тўловдан ажратиладиган даромадлар ва харажатлар сметасини ва унинг бажарилиши тўғрисидаги ҳисоботларни тасдиқлаш;
- молиялаштириш Федерация томонидан амалга оширилган ҳолларда худудий Кенгашлар томонидан тақдим этилган касаба уюшмаси бюджети бўйича даромадлар ва харажатлар сметаларини маъқуллаш;
- мазкур Уставда кўзда тутилган мақсадларга эришиш учун ўзи таъсис қилган ташкилотлар орқали тадбиркорлик, капитал қурилиш фаолияти ва Ўзбекистон Республикасининг амалдаги қонун ҳужжатларида тақиқланмаган бошқа турдаги тижорат фаолиятларини олиб бориш;
- мурожаат қилинган ҳолларда ваколати доирасида Федерацияга аъзо ташкилотлар ўртасидаги низони кўриб чиқиш;
- Федерация тизимидағи ва бошқа ташкилотларга ҳомийлик ва молиявий ёрдам кўrsатиш юзасидан қарор қабул қилиш;
- касаба уюшмалари фаолиятининг самарадорлигини ошириш мақсадида касаба уюшмаларини қайта ташкил этиш ёки бирлаштириш юзасидан аъзо ташкилотларга таклифлар киритиш;
- Федерация тизимида ҳисбот-сайлов кампанияларини ўтказиш муддатларини мувофиқлаштирган ҳолда белгилаш;
- аъзо ташкилотлар томонидан ҳисботлар топшириш тартиби ва даврийлигини белгилаш, иш режасига мувофиқ ёки заруратга қўра, Федерация аъзо ташкилотлари, Худудий кенгашлар ва тасарруфидаги ташкилотларнинг фаолияти ҳақидаги ахборотларни тинглаш;



- касаба уюшмалари фаолияти йўналишлари бўйича вақтинчалик комиссиялар, ишчи гурухларни ташкил этиш;
- турли мақсадларга мўлжалланган Жамғармаларни тузиш ҳақида қарор қабул қилиш;
- Федерация аппаратининг тузилмаси, штатлар жадвали, бўлим ва бўлинмалари тўғрисидаги Низомларни ҳамда иш режасини тасдиқлаш;
- Федерациянинг Мехнат инспекторлари томонидан тақдим этилган ахборотларни умумлаштириш ва ҳар йилнинг 1 майидан кечикмай Федерациянинг расмий веб-сайтида, зарур бўлган ҳолларда бошқа манбаларда эълон қилиш;
- Курултой, Бош кенгаш томонидан ваколат берилган бошқа вазифаларни бажариш;
- Федерация раисига ўзининг айрим ваколатларини бериш.

4.7.5. Бир йилда камидан бир марта ўз фаолияти тўғрисида Бош кенгашга ахборот беради.

4.8. Федерация раиси.

4.8.1. Федерация раиси Федерацияга раҳбарлик қиласи, бир вақтнинг ўзида Бош кенгаш ва Ижроия қўмита раиси ҳам ҳисобланади.

4.8.2. Федерация раиси этиб Федерацияга аъзо бўлган касаба уюшмасининг аъзоси сайланиши мумкин.

4.8.3. Федерация раиси Курултой томонидан 5 йил муддатга сайланади.

4.9. Федерация раисининг хукуқ ва вазифалари қўйидагилардан иборат:

- Федерациянинг Устав бўйича вазифаларини, шунингдек, Федерация органлари қарорларининг бажарилишини ташкил этади ва унинг олдида ҳисобдордир;

- давлат ҳокимияти органларининг, иш берувчиларнинг, улар бирлашмаларининг (иттифоқларининг, уюшмаларининг) очик ҳайъат мажлисларида Федерация номидан иштирок этади;

- Федерация номидан ишончномасиз иш кўради;

- Федерация раиси ўринbosарлари ўртасида вазифаларни тақсимлайди;

- Бош кенгаш ва Назорат-тафтиш комиссиясининг қўшма мажлисларини ўтказади;

- зарур ҳолларда Федерация номидан баёнотлар беради, тегишли ташкилотларга мурожаатнома ва тақдимномалар юборади;

- ходимларнинг ижтимоий-иқтисодий хукуқ ва манбаатларига тааллуқли бўлган норматив-хукуқий хужжатлар ҳамда техник жихатдан тартибга солиш соҳасидаги норматив хужжатлар лойиҳаларини ишлаб чиқища Федерациянинг иштирокини таъминлайди;



- белгиланган тартибда Федерация билан келишиш учун киритилган норматив ва норматив-хуқуқий хужжатларни имзолайди ёки ўз таклиф ва эътиrozларини билдиради;

- Ўзбекистон Республикаси Ҳукумати ва иш берувчиларнинг Республика бирлашмалари билан ўзаро муносабатлар ҳақида келишувлар тузади, кейинчалик бу ҳақда Ижроия қўмитани хабардор қиласади;

- белгиланган тартибда Федерация мулки ва унинг фойдаланишидаги мулкка эгалик қилиш, фойдаланиш ва тасарруф этишини ташкил этади;

- касаба уюшмаси бюджетининг ходимлар ва уларнинг оила аъзоларини соғломлаштиришга, маданий-маърифий, туризм ҳамда жисмоний тарбия ва спортни ривожлантиришга ажратилган маблағларидан мақсадли ва самарали фойдаланишини ташкил этади, Федерациянинг молиявий хўжалик фаолиятини таъминлайди;

- ягона ижтимоий тўловлардан ходимлар ва уларнинг оила аъзоларини соғломлаштиришга йўналтириладиган маблағлардан мақсадли фойдаланишини ташкил этади ва назорат қиласади;

- Федерация раиси ўринbosарларини сайлаш ёки лавозимидан озод этиш бўйича Бosh кенгашга таклифлар киритади;

- Федерация томонидан таъсис этилган ташкилотларга умумий раҳбарликни амалга оширади;

- чет эл хизмат сафарига юборилувчилар номзодини кўриб чиқади ва тасдиқлади;

- Федерация номидан ишончнома беради;

- Ижроия қўмита мажлисини чақиради, муҳокама қилинадиган масалалар юзасидан мажлисга материаллар тайёрланиши юзасидан кўрсатмалар беради, қабул қилинган қарорлар ижросини назорат қиласади;

- Бosh кенгаш ва Ижроия қўмита қарорларини имзолайди;

- Федерация аппарати фаолиятига бевосита раҳбарлик қиласади;

- мазкур Уставда белгиланган ваколати доирасида фармойишлар чиқаради;

- Федерация номидан хўжалик ва бошқа турдаги шартномалар тузади;

- Федерация органлари ваколат берган бошқа вазифаларни бажаради;

- ташкилотларнинг раҳбарларига ҳамда бошқа мансабдор шахсларига ходимларнинг ижтимоий-иктисодий хуқуқ ва манфаатларига тааллуқли бўлган норматив-хуқуқий хужжатларнинг ҳамда техник жиҳатдан тартибга солиш соҳасидаги норматив хужжатларнинг аниқланган бузилишларини бартараф этиш тўғрисида кўриб чиқилиши мажбурий бўлган кўрсатмалар киритишига, шунингдек, ташкилотларнинг раҳбарларига мазкур қоидабузарликларга йўл қўйган шахсларни интизомий джавобгарликка тортиш ҳақида тақдимномалар киритишига ҳақли;



- лозим бўлганда кўриб чиқилиши шарт бўлган, ходимлар хукуқ ва қонуний манфаатларига тўсқинлик қилувчи ёки уларни чекловчи норматив-хукуқий хужжатларга, техник жиҳатдан тартибга солиш соҳасидаги норматив хужжатларга ўзгартиш ва қўшимчалар киритиш, шунингдек, бундай хужжатларни ўз кучини йўқотган деб топиш зарурлиги тўғрисидаги тавсиялар ва ёзма сўровлар юбориши мумкин;

- Федерацияга аъзо ташкилотларнинг сайлаб қўйиладиган раҳбарлик лавозимларига номзодларни таклиф қилиш хукуқига эга;

- Федерация аппарати ходимлари, шунингдек, тасарруфдаги ташкилотларнинг раҳбарлари (агар уларнинг низомларида назарда тутилган бўлса раҳбар ўринbosарлари ва бош ҳисобчилари) билан меҳнат шартномаларини тузиш, ўзгартириш, бекор қилиш, уларга рағбатлантириш ёки интизомий чоралар кўриш тўғрисида ва бажарилиши шарт бўлган қонуний фармойишлар чиқариш хукуқига эга;

- банк ва бошқа молиявий хужжатларга биринчи имзо қўйиш хукуқига эга;

- ўзининг айрим ваколатларини ўринbosарларига, худудий Кенгашлар раҳбарларига, шунингдек, тасарруфдаги ташкилотларнинг раҳбарларига бериши мумкин.

4.10. Федерациянинг Назорат-тафтиш комиссияси.

4.10.1. Назорат-тафтиш комиссияси Федерациянинг коллегиал назорат органи бўлиб, Федерация тизимидағи ташкилотларда меҳнат тўғрисидаги қонунлар ва бошқа норматив хужжатлар, Федерация Устави, Федерация органлари қарорлари ижросини текширади, тафтишдан ўтказади ва назорат қиласди.

4.10.2. Назорат-тафтиш комиссияси ўз фаолиятида мустақил бўлиб, Курултой олдида ҳисобдордир.

4.10.3. Назорат-тафтиш комиссияси Бош кенгашнинг ваколат муддатига тенг муддатга Курултойда сайланади. Назорат-тафтиш комиссиясининг фаолияти Курултой қарорига кўра ёки Федерациянинг фаолияти тўхтатилган тақдирда тўхтатилади.

4.10.4. Ўз фаолиятида мазкур Устав ва Курултой томонидан тасдиқланадиган Назорат-тафтиш комиссиясининг Низомига амал қиласди.

4.11. Федерация аппарати.

4.11.1. Федерация аппарати Федерация сайланма органларининг қарорларини амалга ошириш ҳамда Федерация раисининг тоннириқларини бажариш мақсадида шакллантирилади ва доимий асосда фаолият юритади.

4.11.2. Федерация аппарати ўз фаолиятини Ижроия кўмита томонидан тасдиқланадиган регламент асосида амалга оширади.



4.11.3 Худудий кенгашлар Федерациянинг юридик шахс мақомига эга бўлган алоҳида бўлинмалари ҳисобланиб, тегишли маъмурий-худудий тузилмаларда Федерация манфаатларини ифодалайди, унинг хуқуқ ва мажбуриятларини амалга оширади.

4.11.4. Худудий кенгашлар Бош Кенгаш қарори билан тузилади ёки тугатилади ва ўз фаолиятини мазкур Устав ва Ижроия қўмита томонидан тасдиқланадиган Низом асосида амалга оширади. Худудий кенгашларнинг хуқуқ ва мажбуриятлари, уларнинг раҳбар органларига доир нормалар, уларни ташкил этиш ва тугатиш тартиби ушбу низомда белгиланади.

5. ФЕДЕРАЦИЯ ОРГАНЛАРИ МАЖЛИСЛАРИНИНГ ТЎЛА ХУҚУҚЛИ БЎЛИШИ, УЛАРДА ҚАРОРЛАР ҚАБУЛ ҚИЛИШ

5.1. Федерация Курултойлари уларга сайланган делегатлар умумий сонининг учдан икки қисми иштирок этганда ваколатли ҳисобланади.

5.2. Федерация Курултойи делегатларининг ваколатлари Ижроия қўмита томонидан тасдиқланади.

5.3. Бош Кенгаш ва Ижроия қўмита мажлислари аъзоларнинг ярмидан кўпли иштирок этганда тўла ҳуқуқли ҳисобланади.

5.4. Федерация органлари қарорлари, агар мазкур Уставда бошқа қоида белгиланмаган бўлса, қатнашаётган делегатлар ёки аъзоларнинг ярмидан кўпли ёқлаб овоз берганда қабул қилинган ҳисобланади.

Овоз бериш шакли Федерация органлари аъзолари томонидан белгиланади.

5.5. Федерация органлари мажлислирида муҳокама этилган масалалар юзасидан қарор қабул қилинади ва баённома расмийлаштирилади.

5.6. Федерация органларининг иш тартиби Ижроия қўмита томонидан тасдиқланадиган Регламент асосида белгиланади.

5.7. Зарур ҳолларда Федерациянинг Курултойи, Бош кенгashi ва Ижроия қўмитаси мажлислари видеоконференцалоқа тартибида ўтказилиши мумкин.

5.8. Тезкор равища ҳал қилиниши лозим бўлган масалалар бўйича Бош кенгаш ҳамда Ижроия қўмита қарорлари уларнинг лойиҳаларига розилик белгиси (виза) қўйиш орқали, жумладан, электрон рақамли имзо, поча, телеграф, телетайп, факс, электрон ва бошқа алоқа воситаларидан фойдаланган ҳолда, сўров йўли билан қабул қилиниши мумкин.

5.9. Навбатдаги Курултойни чақириш имконияти бўлмаган тақдирда (фавқулодда ҳолатлар, карантин эълон қилинганда ва бошқа узрли сабаблар) Федерациянинг сайланма раҳбар органларнинг ваколат муддати ўз-ўзидан узайтирилган ҳисобланади. Бу муддат бир йилдан ошиши мумкин эмас.

5.10. Мазкур Устав бўйича юқори турувчи орган қарор қабул қилиш давомида бўйсунув бўйича қўйи турувчи орган ваколатларига доир масалаларни ҳам ҳал этиши мумкин.



Юқори турувчи орган бўйсунув бўйича қуий турувчи органнинг қонун ва мазкур Устав талабларига зид қарорларини қайта кўриб чиқиши учун тегишли орган ёки ваколатли шахсга юбориши, коллегиал органлар ваколатига доир масалалар юзасидан эса унинг навбатдан ташқари йиғилишини белгиланган тартибда чақириши мумкин.

5.11. Кечиктириб бўлмайдиган ҳолларда қуий турувчи органнинг қонун ва Устав талабларига зид қарорлари юқори турувчи орган томонидан қисман ёки тўлиқ бекор қилиниши мумкин.

6. МУЛК ВА МАБЛАҒЛАР

6.1. Федерациянинг мулки ва маблағлари аъзолик бадалларидан, ходимлар ва уларнинг оила аъзоларини соғломлаштириш учун ягона ижтимоий тўловдан йўналтирилган ажратмалар, қонунларда белгиланган тартибда тадбиркорлик, хўжалик ва бошқа фаолиятдан олинган, Устав мақсадларига йўналтирилувчи даромадлар, юридик ва жисмоний шахсларнинг ихтиёрий мулкий бадаллари ва ҳомийлик маблағлари, қонунда тақиқланмаган бошқа тушумлардан шакллантирилади.

6.2. Федерация қўшимча молиявий маблағларни ишлаб топиш ва келгусида улардан касаба уюшмаси аъзоларининг меҳнат, ижтимоий-иктисодий ҳуқуқ ва манфаатларини ҳимоя қилиш, шунингдек, қўшимча иш ўринлари яратиш учун фойдаланиш мақсадида, белгиланган тартибда ишлаб чиқариш, хўжалик, ташқи иқтисодий фаолиятни амалга ошириши, сугурта компанияси ва акциядорлик жамиятлари, мақсадли жамғармалар ва бошқа ташкилотларни ташкил этиши мумкин. Мазкур фаолиятдан тушган даромад аъзолар ўртасида тақсимланмайди ва Устав мақсадларига сарфланади.

6.3. Федерация мулки обьектларига бинолар, иншоотлар, ер участкалари, механизмлар, жиҳозлар, транспорт ва техник воситалар, инвентар, маданий-маърифий, жисмоний тарбия, спорт ва соғломлаштириш мақсадларига мўлжалланган мулк, тураржойлар ва яшаш учун мўлжалланмаган жойлар, пул маблағлари, шу жумладан, чет эл валютасидаги пул маблағлари, қимматли қофозлар, корхоналар ва хўжаликлар, оммавий ахборот воситалари, босмахоналар, санатор-курорт, дам олиш уйи, соғломлаштириш, спорт, ўқув муассасалари, болалар соғломлаштириш оромгоҳлари, интеллектуал мулк, шунингдек, қонунчиликда тақиқланмаган бошқа мол-мулклар киради.

Федерация мулкининг шаклини ўзгартириш, тасарруф этиши масаласи қонун билан ўрнатилган тартибда, мазкур Уставда белгиланган ваколатлар доирасида Федерация органлари томонидан ҳал этилади.

6.4. Федерациянинг мулки дахлизизdir ва у қонун билан кўриқланади. Унинг мол-мулки национализация, реквизиция ва мусодара килинмайди, бундан қонунда назарда тутилган ҳоллар мустасно.



6.5. Федерация мулкка нисбатан қонунга ва бошқа хуқуқий ҳужжатларга зид бўлмаган ҳар қандай ҳаракатларни амалга оширишга, жумладан, ҳомийлик ва молиявий ёрдам маблағларини ажратишга, ўз мулкини ажратиб беришга, мулкка эгалик қилиш ва ундан фойдаланиш хуқуқини бошқа шахсларга беришга, сотишга, мулкни гаровга қўйишга, ундан бошқача тарзда фойдаланишга ҳақли.

6.6. Федерация мулкини ишончли бошқарув учун бошқа шахсга (ишончли бошқарувчига) берилиши, мулкий хуқуқларнинг ўтишига асос бўлмайди, ишончли бошқарувчи Федерация манфаатларини ҳисобга олиб, мулкни бошқариши керак.

6.7. Федерация аъзо ташкилотларнинг мажбуриятлари бўйича жавоб бермайди, шунингдек, аъзо ташкилотлар Федерациянинг мажбуриятлари бўйича жавобгар эмас.

6.8. Аъзо ташкилотлар Федерацияга берган мол-мулкига ва аъзолик бадалларига эгалик қилиш хуқуқини сақлаб қолмайдилар.

6.9. Федерациянинг асосий воситалари, пул, шу жумладан, чет эл валютасидаги пул маблағлари бўлмиш мол-мулки унинг тасарруфидаги ташкилотларга оператив бошқарув хукуқи билан берилади ва Федерация ваколатли органининг розилигисиз сотилиши, ҳадя қилиниши, беғараз берилиши ёки бошқача тарзда бегоналаштирилиши мумкин эмас.

7. ФЕДЕРАЦИЯНИ ҚАЙТА ТАШКИЛ ЭТИШ ВА ТУГАТИШ ТАРТИБИ

7.1. Федерацияни қайта ташкил этиш, (қўшиб юбориш, қўшиб олиш, бўлиш, ажратиб чиқариш, ўзгартириш) ёки тугатиш тўғрисидаги қарор Федерациянинг Курултойида қабул қилинади. Кворум мавжуд бўлган ҳолда Курултойда қатнашаётган делегатларнинг камида учдан икки қисми ёқлаб овоз берганда, қарор қабул қилинган ҳисобланади.

7.2. Федерацияни қайта ташкил этиш қонунда белгиланган тартибда амалга оширилади.

7.3. Федерацияни тугатиш ҳакида Курултой томонидан қарор қабул қилинган тақдирда Федерация Курултойи қонунчиликда белгиланган тартибда тугатиш комиссиясини тайинлайди, шунингдек, кредиторлар талаби қаноатлантирилгандан сўнг қолган мулкни Федерация Уставига мувофиқ қайси мақсадга йўналтиришни белгилайди.

7.4. Федерация фаолиятини тўхтатиш, шунингдек, Федерацияни тугатиш қонунда белгиланган тартибда суд томонидан амалга оширилиши мумкин.

Федерациянинг фаолиятини давлат органлари, уларнинг мансабдор шахслари, иш берувчилар ташаббусига кўра тугатишга йўл қўйилмайди.



7.5. Тугатиш тўғрисида қарор қабул қилган орган давлат рўйхатидан ўтказувчи адлия органи билан келишган ҳолда тугатиш комиссиясини тайинлайди.

8. ЯКУНИЙ ҚОИДАЛАР

8.1. Федерация органларига, Федерациянинг сайлаб қўйиладиган лавозимларига сайлангани муносабати билан ишлаб чиқаришдаги ишидан озод этилган шахслар, шунингдек, Федерация аппарати ходимлари билан меҳнат муносабатлари меҳнат тўғрисидаги қонунлар ва бошқа норматив хужжатлар билан тартибга солинади.

8.2. Сайлаб қўйиладиган лавозимларга сайланган ходимлар билан ваколат муддатига меҳнат шартномалари (контрактлар) тегишли орган ваколат берган шахс томонидан имзоланади.

8.3. Федерация ўз фаолиятининг натижалари ҳисобини юритади ҳамда рўйхатдан ўтказувчи, солиқ ва статистика органларига белгиланган тартибда ҳисботлар тақдим этади.

8.4. Федерация юридик шахс ҳисобланиб, ўз муҳри, штамп ва бланклари, банкларда ўз ҳисоб рақамларига (шу жумладан, миллий ва хорижий валютада) эга.

8.5. Федерация белгиланган тартибда давлат рўйхатидан ўтказилган ўз рамзлари (тимсоли)га эга бўлишлари мумкин.

8.6. Федерациянинг юридик шахс сифатидаги хуқуқ ва мажбуриятлари Уставда белгиланган ваколатлар доирасида Федерация органлари ва мансабдор шахслари томонидан амалга оширилади.

8.7. Устав қоидалари талқинини бериш Бош кенгашнинг, унинг мажлислари оралиғида Ижроия қўмитанинг мутлақ ваколатига киради.

8.8. Уставга киритилган барча ўзгартиш ва қўшимчалар белгиланган тартибда Ўзбекистон Республикаси Адлия вазирлиги томонидан қайта рўйхатдан ўтказилади.


8.9. Мазкур Устав талабларини бажариш Федерация тизимидағи ташкилотлар учун мажбурийдир. Ушбу Устав қоидаларини Ўзбекистон Республикасининг норматив-хуқуқий хужжатларига зид тарзда талқин қилиш мумкин эмас.

Ўзбекистон касаба уюшмалари
Федерацияси раиси



Қ.Рафиков

Мазкур устав тикилган
ракамланган
ва 19 варакдан иборат.



Григорий
Джонсон